



Fréttabréf Skeiða- og Gnúpverjahrepps

6. árgangur 8. tbl.

September 2009



Nemendur Þjórarskóla að grilla sykurlúða í útilegunni í Þjórsárdal í fyrstu skólavikunni.



Kvöldvaka í skóginum.



Matartími í tjaldinu.



Verið að smakka á nýsteiktum flatkökum.



Deigið flatt út.



Sigurður að lita ull.



Nemendur að steikja flatbrauð úti á skólastétt.



Nemendur að saxa rauðkál sem notað er til að lita ullina.



Nemendur fylgjast með af áhuga þegar þeim er sagt hvar fjallmenn eru staddir þann daginn og hvert för þeirra er heitið.



Nemendur að búa til teiknimyndasögu um réttirnar



Þjórsárskóli

Upphaf skólaársins hefur verið viðburðaríkt. Við byrjuðum fyrstu vikuna á því að fara saman í útilegu inn í Þjórsárdal. Allt

starfsfólk skólans, nemendur og 10 foreldrar skemmtu sér í skóginum í rúmlega sólarhring þrátt fyrir mikla rigningu. Það var hlýtt þessa daga sem við vorum í skóginum og mikil gleði og fjörugur ómur um allan skóg.

Í réttarvikunni var unnið í þemavinnu út frá réttum ásamt því að hver dagur hófst með því að farið var yfir það á korti hvar fjallmenn voru og hvert ferð þeirra væri heitið þann daginn. Að umræðum loknum voru sungin lög í anda rétta. Þetta voru skemmtilegar morgunstundir og fróðlegar fyrir börn og fullorðna. Að því loknu var unnið í þremur hópum. Einn hópur bakaði flatkökur úti á stétt við skólann, annar hópur bjó til teiknimyndasögur um réttir, fjallferðir og fleira í anda þemavikunnar og þriðji hópurinn litaði ullargarn með náttúrlegum aðferðum. Litað var með rauðkáli, mosa og birkilaufum. Mörg litaafbrigði komu fram og munu börnin nota garnið við útsaum á næstu vikum. Verk frá þemavikunni verða til sýnis á foreldradegi í lok september. Þann dag geta foreldrar komið og skoðað útsaumsverk nemenda, lesið teiknimyndasögur og gætt sér á flatökum með kaffinu. Þá er líka upplagt að taka vini og ættingja með í skólann og gefa þeim tækifæri til að skoða sýninguna í ró og næði á meðan foreldri og barn ræða við kennara um starfið í vetur.

Með kveðju,
Ingibjörg María, skólastjóri

Næsta Fréttabréf kemur út fimmtudaginn 15. október
Skilafrestur efnis er til laugardagsins 10. október.

Umsjón með fréttabréfinu hefur Helga Kolbeinsdóttir - helga@skeidgnup.is
Ábyrgðarmaður er Gunnar Örn Marteinnsson Oddviti

Skrifstofa Skeiða- og Gnúpverjahrepps er opin mánudaga-fimmtudaga frá kl. 9-12 og 13-15. Sími 486-6014 Fax 486-6091 www.skeidgnup.is

53. fundur var haldinn í hreppsnefnd Skeiða- og Gnúpverjahrepps þriðjudaginn 25. ágúst 2009 kl. 10:30 í Árnesi. Mættir voru: Gunnar Örn Marteinsson, oddviti, Ingvar Hjálmarsson, Jón Vilmundarson, Tryggvi Steinarsson og Björgvin Skafti Bjarnason sem jafnframt ritaði fundargerð.

1. Atvinnumál og leiðir í þeim efnum. Sædis Íva Elíasdóttir framkvæmdastjóri Atvinnuþróunarfélag Suðurlands mætti á fundinn. Hún fór yfir starfsemi Atvinnuþróunarfélagsins. Farið yfir samþykktir og úthlutunarreglur fyrir Atvinnuuppbyggingarsjóð Skeiða - og Gnúpverjahrepps (ASG). Ákveðið að vinna málið áfram.
2. Pétur Ingi Haraldsson Skipulagsfulltrúi mætti á fundinn kl. 13 og fór yfir skipulagsmál sem liggja fyrir fundinum.
 - a) Aðalskipulagstillaga vegna breyttra landnota í landi Þjórsárholts. Lögð fram eftir auglýsingu tillaga að breytingu á Aðalskipulagi Skeiða- og Gnúpverjahrepps 2004-2016 í landi Þjórsárholts. Í tillögunni felst að um 16 ha svæði austan aðkomuvegar að Þjórsárholti breytist úr landbúnaðarsvæði í svæði fyrir frístundabyggð. Gert er ráð fyrir stórum frístundahúsalóðum á svæðinu, allt að 5 ha að stærð. Tillagan var auglýst samhliða deiliskipulagi svæðisins þann 14. maí 2009 með athugasemdafresti til 25. júní. Ein athugasemd barst við deiliskipulag svæðisins. Sveitarstjórn samþykkir tillöguna.
 - b) Aðalskipulagstillaga vegna Prándartúns. Lögð fram eftir auglýsingu tillaga að breytingu á Aðalskipulagi Skeiða- og Gnúpverjahrepps 2004-2016, spilda úr landi Prándarholts. Í tillögunni felst að tæplega 10 ha svæði fyrir frístundabyggð úr landi Prándartúns breytist í íbúðarsvæði. Á svæðinu er gert ráð fyrir 6 lóðum fyrir íbúðarhús auk 6 lóðum fyrir hesthús. Tillagan var auglýst samhliða deiliskipulagi svæðisins þann 14. maí 2009 með athugasemdafresti til 25. júní. Engar athugasemdir bárust. Sveitarstjórn samþykkir tillöguna.
 - c) Aðalskipulagstillaga vegna Árnesvegar námur. Lögð fram tillaga að breytingu á Aðalskipulagi Skeiða- og Gnúpverjahrepps 2004-2016 vegna tveggja nýrra náma. Í breytingunni felst að gert er ráð fyrir tveimur nýjum námum sem nýta á tengslum við uppbyggingu nýs tengivegar yfir Þjórsá, milli Þjórsárdals vegar og Landvegar. Annars vegar er gert ráð fyrir námu í landi Miðhúsa og hinsvegar í landi Minna-Hofs við Þjórsá. Breytingin fellur undir lög um umhverfismat áætlaða og hefur þegar verið haft samráð við Skipulagsstofnun í samræmi við 6. gr. laganna. Að mati sveitarstjórnar er um óverulega breytingu á aðalskipulagi sveitarfélagsins að ræða og samþykkir hana skv. 2. mgr. 21. gr. skipulags- og byggingarlaga.
 - d) Erindi vegna lóða 23 og 24 á Flötum. Lagt fram erindi Gæða-Endurskoðunar ehf. 13. Júlí 2009 f.h lóðarhafa að lóðum nr. 23 og 24 á Flötum varðandi takmarkanir sem kunna að vera á veitingu byggingarleyfa á lóðunum vegna legu →

raflínu. Skipulags og byggingafulltrúa falið að afgreiða erindið.

e) Fundargerð no. 14 skipulags og bygginganefndar frá 25.06.2009. Fg. samþykkt

f) Fundargerð no. 15 skipulags og bygginganefndar frá 13.08.2009. Fg. samþykkt

g) Afgreiðslur byggingarfulltrúa til kynningar. Fundur 28 afgreiðsla lögð fram Fundur 30 afgreiðsla lögð fram. Fundur 29 engin mál frá Skeiða og Gnúpverjahr.

h) Lagt fram bréf Skipulagsstofnunar dags. 16. júlí 2009 þar sem óskað er eftir umsögn Skeiða- og Gnúpverjahrepps um hvort og á hvaða forsendum framkvæmd sem lýst er í tilkynningu Vegagerðarinnar dags. 15. Júlí 2009 um matsskyldu skuli háð mati á umhverfisáhrifum. Sveitarstjórn telur ekki ástæðu fyrir sitt leyti að framkvæmdin verði háð mati á umhverfisáhrifum.

3. Erindi vegna sumarhúss í landi Skriðufells. Lagt fram til kynningar.

4. Ósk Alþingis um umsögn vegna frumvarps um kosningar til sveitarstjórna persónukjör. Sveitarstjórn gerir ekki athugasemdir við frumvarpið.

5. Erindi frá félagi fagfólks í frítímapjónustu. Lagt fram.

6. Fundargerð vinnuhóps um framtíð sundlaugarinnar í Þjórsárdal. Lögð fram.

7. Verksamningur við Björn Georg Björnsson vegna Þjósárstofu. Lagður fram.

8. Fundargerð Heilbrigðisnefndar Suðurlands 119. fundur. Lögð fram.

9. Erindi til aðildarsveitarfélaga Sorpstöðvar Suðurlands varðandi staðfestingu svæðisáætlunar um meðhöndlun úrgangs. Lokadrög um áætlunina liggja frami á skrifstofu sveitarfélagsins. Áður á dagskrá síðasta fundar. Lagt fram erindi frá Sorpstöð Suðurlands dags. 28. maí 2009 þar sem óskað er eftir staðfestingu aðildarsveitarfélaga á svæðisáætlun um meðhöndlun úrgangs ásamt bókun stjórnar Sorpstöðvar Suðurlands dags. 27. maí 2009. Í bókun stjórnar kemur fram að engar skuldbindingar um framkvæmdir né framkvæmdatíma felist í svæðisáætluninni og að slíkar ákvarðanir verði teknar sérstaklega á hverjum tíma. Sveitarstjórn Skeiða- og Gnúpverjahrepps gerir ekki athugasemd framlagða svæðisáætlun en ítrekar að engar skuldbindingar felist í áætluninni um framkvæmdir eða framkvæmdatíma.

10. Farið yfir fjárhagsmál vegna framkvæmda við Skaftholtsréttir. Samþykkt að taka yfir lán með í Landsbanka Íslands Selfossi að upphæð kr: 2.218.389 með gjalddaga 15. september vegna kostnaðar við framkvæmdir í Skaftholtsréttum. Vísað til endurskoðunar fjárhagsáætlunar.

11. Umboð vegna prókúru starfsmanns á skrifstofu. Sveitarstjórn samþykkir að veita Kristjönu Gestsdóttur kt:291250-3519 prókúru vegna reiknings 0152-26-28428 og reikn. 152-26-008990 hjá Skeiða og Gnúpverjahreppi og reikningur 152-26-4489 hjá Hitaveitu Brautarholts.

12. Erindi frá Gísli Má Gíslasyni vegna framkvæmda við Kvíslarveitu Sveitarstjórn samþykkir að óska eftir fundi með fulltrúa Landsvirkjunar og Gísli Má Gíslasyni formanni Þjórsárveranefndar.

→

13. Farið yfir þau mál sem eru í gangi hjá sveitarfélaginu. Oddviti fór yfir verkefni sem eru í gangi hjá sveitarfélaginu.
14. Erindi frá Sigríði Björk Gylfadóttur leikskólastjóra. Undanþága vegna stofnunar foreldraráðs. Sveitarstjórn samþykkir að veita undanþágu skv. 11.gr laga um leikskóla nr. 90 frá 2008 um stofnun foreldraráðs við leikskólann Leikholt.
15. Erindi frá 10. bekk Flúðaskóla vegna styrks til Danmerkurferðar.
Samþykkt að veita umbeðna upphæð kr: 45.500
16. Tillaga um samræmdar smalamennskur á afréttum og heimalöndum milli Hvítár og Þjórsár. Tillagan er sett fram vegna umræðna um smalamennsku á liðnum árum og endurheimt sauðfjár af nágranna afréttum og aðgerðum sauðfjárbænda til að heimta sitt fé. Sveitarstjórnir Skeiða- og Gnúpverjahrepps, Sv. Árborgar, Flóahrepps og Hrunamannahrepps setja fram eftirfarandi tilmæli til sauðfjárbænda um samræmdar lögboðnar smalamennskur innan sveita og milli sveita. Tilmælin eru sett fram samkv. 6.gr. reglugerðar nr.651 frá 2001 með síðari breytingum. Sveitarstjórnirnar mælast til að sauðfjárbændur sendi sauðfé í sláturhús sem heimtist eftir fyrstu réttir úr útréttum eða hefur flakkað um sveitir fram eftir hausti þ.e. fé úr öðrum eða seinni réttum þar með talið skilaréttum. Sauðfjárbændum er hinsvegar í sjálfsvald sett hvort þeir taki heim fé úr fyrstu réttum. Þó er mælt til að ekki sé tekið í ásetning lömb sem heimtast með mæðrum sínum úr útréttum. Ennfremur skal lögð áhersla á að vanda sem mest tilhögun við smölun afréttanna, svo hámarks árangur verði af leitum. Með tilliti til þessa þyrfti að endurskoða ýmsa þætti við skipulagningu og framkvæmd leitanna þannig að afréttir verði í meira mæli smalaðir samhliða. Sauðfé sem vekur grunsemdir um riðuveiki í smalamennsku skal einangra án tafar. Senda beint í sláturhús eða að lóga á staðnum ef ekki eru aðrir kostir betri. Tilkynna skal um slíka gripi til yfirvalda (sveitarstjórnar, héraðsdýralæknis) og taka sýni. Tilmæli þessi gilda á svæðinu á milli Hvítár og Þjórsár. Sveitarstjórn Skeiða- og Gnúpverjahrepps samþykkir tilmælin fyrir sitt leyti.

Fleira ekki gert. Fundi slitið kl. 15.20



Starfskraftur óskast til að fylgja leikskóla-
börnum í skólabíl frá Árnesi í Brautarholt.
Allar nánari upplýsingar gefur Gunnar Örn
oddviti@skeidgnup.is og í síma 4866014

Pistill frá oddvita

Hautsverkin

Nú er haustið gengið í garð með öllu sem því fylgir, réttum, smalamennskum, berjatínslu, uppskeru hjá bændum og fl. Það er mikil vakning víða um land í þá átt að bændur fullvinni sína vöru heima á býli og selji beint til neytenda, þetta er mjög ánægjuleg þróun og styrkir búsetu í dreifbýli.

Bændur í okkar sveitarfélagi eru ekki undanskildir í þessum efnum og eru sumir farnir að þreifa sig áfram á þessu sviði. Sala á svínakjöti í neytendapakkingum, framleitt úr íslensku byggi, heimagerðir ostar, hangikjöt, jógúrt, fullvinnsla á rabarbara í neytendapakkingar ofl. Þetta eru góð dæmi um möguleika á þessu sviði sem sveitungar okkar eru farnir að nýta sér.

Atvinnumál

Sveitarstjórn hefur hug á að efla nýsköpun í atvinnumálum og laða fram ný atvinnutækifæri. Hafinn er undirbúningur að stofnun sjóðs í þeim tilgangi. Ekki er endanlega ákveðið hvernig úthlutunarreglur sjóðsins verða, eða hversu mikla fjármuni hann mun hafa til ráðstöfunar á ári. Það hefur alltaf verið hugsunin hjá sveitarstjórn að þeir peningar sem fengust af sölu á hlut sveitarfélagsins í Límtré yrði varið til atvinnumála, í dag eru þetta um sextíu milljónir. Þannig mætti til dæmis hugsa sér að ávöxtun af þeirri upphæð rynni í slíkan sjóð. Verið er að hefja vinnu við að safna upplýsingum um hvaða möguleikar eru hér í sveitarfélaginu til búsetu og uppbyggingar atvinnu, slíkar upplýsingar verða að vera aðgengilegar svo hægt sé að reyna að laða að fólk og atvinnu á svæðið.

Upplýsingamiðstöð

Kynningarfundur vegna væntanlegrar upplýsingamiðstöðvar í Árnasi var haldinn þar þann 3. september, það var ánægjulegt að sjá hve vel var mætt og ljóst að fólk hefur áhuga á þessum málum og lætur sig þá varða. Ekki kom fram veruleg andstaða við málið og þær athugasemdir sem komu snéru flestar að innra skipulagi hússins. Sumir töldu þó að réttara væri að byggja nýtt hús undir starfsemina, aðrir töldu ófært að Landsvirkjun væri með rekstur í húsinu þó svo að það sé í samvinnu við sveitarfélagið. Ég tel sjálfur að þessi upplýsingamiðstöð verði mjög mikil lyftistöng fyrir svæðið og góður vettvangur til kynningar á öllu sveitarfélaginu og því sem það hefur upp á að bjóða. Það er ljóst að þær hugmyndir sem uppi eru um skipulag í húsinu auka mjög nýtingu þess án þess að raska þeirri starfsemi sem þar er fyrir. Reynsla af svona sýningum gefur tilefni til að ætla að sjö til tíu þúsund manns sækja staðinn heim á ári.

Viðhaldsmál

Eins og áður hefur komið fram stendur til að laga frárennsli og plan í Brautarholti og búið er að semja við verktakafyrirtækið Nesey um að fara í verkið. Áætlað er að byrja á því á næstu dögum. Búið er að gera við neðri hlutann á Árnasi og mála, efri hlutinn býður betri tíma.

Nánast er lokið þeim viðgerðum sem til stóðu á Neslaug, einnig er lokið því sem til stóð að gera við húsið að Heiði og er skólastjórinn fluttur þangað. Búið er að fá sérfræðinga til að hljóðmæla salinn í Brautarholti, beðið er eftir tillögum um úrbætur og kostnað við það. Til stendur að koma betra skipulagi á hlutina þegar samkomuhúsið er leigt út þannig að fólk viti betur að hverju það gengur þegar það leigir húsið. Bókasafnshúsið lítur orðið mjög illa út og væri þörf á að bera á það, von er á kostnaðartölum í það verk og verður skoðað í framhaldinu hvort ráðist verður í það núna eða það látið bíða til næsta árs.

Sorphirða.

Um næstu mánaðarmót gengur í gildi nýr samningur við Íslenska Gámafélagið um þriggja flokka kerfi á sorphirðu. Samningurinn felur í sér talsverðar breytingar á fyrirkomulaginu frá því sem nú er. Settar verða skýrar og einfaldar reglur um sorphirðu sem eiga að tryggja að allir sitji við sama borð í samræmi við þau sorpgjöld sem þeir greiða. Þetta nýja fyrirkomulag verður kynnt í skólanum, á íbúafundi, auk þess verður farið á hvert heimilli og farið yfir það með fólki hvernig best sé að standa að málum.

Á mála hjá Landsvirkjun.

Sigurður Jónsson fyrrverandi sveitastjóri hjá okkur er afkastamikill bloggskrifari bæði þegar hann var í vinnu hjá sveitarfélaginu og líka eftir það. Þessi skrif hafa að mestu snúist um að hefja Sjálfstæðisflokkinn og Davíð Oddsson til vegs og virðingar á ný og verið sett fram með þeim hætti að fólk hefur getað brosað góðlátlega að viðsýnni. Að undanfögnu hefur Sigurður hins vegar verið að auka fjölbreytnina í skrifum sínum og til dæmis ýjað að því að við sveitarstjórnarmenn í Skeiða-og Gnúpverjahreppi hefðum þegið greiðslur beint frá Landsvirkjun fyrir störf okkar við skipulagsvinnu vegna virkjana í neðri Þjórsá, hann neitaði því hins vegar sjálfur að hafa þegið slíkar greiðslur enda grandvar og heiðarlegur embættismaður.

Sveitastjórnarmenn í Skeiða-og Gnúpverjahreppi hafa ekki þegið aðrar greiðslur fyrir sín störf en þau sem sveitarfélagið greiðir þeim, þær greiðslur eru um tuttugu þúsund fyrir fund, um aðrar greiðslur er ekki að ræða. Þetta veit Sigurður Jónsson manna best. Hvað honum gengur til með þessum aðdróttunum verður hann að svara sjálfur. Ég ætla ekki niður á það plan sem hann virðist vera kominn á.

Það er með öllu óeðlilegt að íbúar í Skeiða-og Gnúpverjahreppi greiði þann kostnað sem farið hefur í skipulagsvinnu vegna virkjana í neðri Þjórsá. Ég tel að það sé löngu orðið tímabært að stjórnvöld fari að kveða á um það hvert þau vilji stefna í þessum málum og hætti að hlaupa eins og kettir í kringum heitan graut.

Oddviti.



Styrkir til tómstundastarfs.

Sveitarstjórn samþykkti veitingu styrkja til tómstundastarfs á fundi sínum þann 3. mars. Samþykktin fer hér á eftir.

„Sveitarstjórn Skeiða – og Gnúpverjahrepps samþykkir að allir grunnskólanemendur og framhaldsskólanemendur til 18 ára aldurs geti sótt um styrk sem nemur allt að 30.000 kr. á árinu 2009 til að stunda íþrótt, æskulýðs eða menningarstarf.

Með umsókn þarf að fylgja kvittun um greiðslu frá aðila sem uppfyllir skilyrði að um viðurkennda starfsemi sé að ræða og fagaðilar sjái um þjálfun og/eða menntun.”

Sækja þarf um styrk fyrir 1. október 2009 og gildir það um þá sem ekki hafa áður fengið fulla greiðslu. Eyðublað fást á hrepps-skrifstofunni (hægt er að fá sent eyðublað í tölvupósti.) og ber að skila umsóknum þangað t.d. á netfangið kidda@skeidgnup.is

Vonandi verður einnig hægt að nálgast umsóknarblað strax í næstu viku á vefsíðu sveitarfélagsins undir þjónusta/eyðublað.

Viola Snyrtistofa á Flúðum

Högnástig 1

Eftirfarandi meðferðir eru í boði:

Andlitsböð
Húðhreinsun
Litun og plokkun
Handsnyrting
Fótsnyrting
Förðun
Vaxmeðferð



Hef til sölu húðvörur fyrir bæði dömur og herra frá GUINOT og förðunarvörur frá NO NAME
Tímapantanir í síma 566-8342 og 856-1599

Frá Stóra- Núpskirkju.

Minnum á að hægt er að kaupa minningarkort Stóra-Núpskirkju hjá Stefaníu Ágústsdóttur í Ásum s. 486-6046 og hjá Helgu Kolbeinsdóttur gjaldkera kirkjunnar í síma 486-5650.



Frá Vörðukórnum.

Fyrsta æfing haustsins verður í Árnesi 16. september kl. 20:30 og framvegis á sama tíma á miðvikudagskvöldum. Efnisskrá vetrarins verður íslensk tónlist, gömul og ný. Alþekkt er að kreppur og önnur leiðindi hverfa á braut með söng í góðum félagsskap. Við hvetjum því nýja og gamla félaga til að starfa með okkur í vetur. Stjórnin



Frá Uppsveitasystur

Uppsveitasystur hefja sitt fjórða starfsár mánudaginn 21. september næstkomandi kl. 20:30 í Brautarholti. Það er von okkar að sjá ykkur sem flestar á æfingu, gamlar og nýjar kórkonur.

Stjórnin.



Karлакór Hreppamanna

Fyrsta söngæfing karlakórsins verður þriðjudaginn 15. september kl 20:30 í Félagsheimilinu á Flúðum. Nú er upplagt fyrir þá sem ekki eru nú þegar í kórnum en tóku lagið í réttunum að kíkja á fyrstu æfinguna. Við minnum á heimasíðu okkar www.kkhreppamanna.com

Stjórnin



Menn og málefni



- Gunnar Örn Marteinnsson og Kari Thorkildsen í Steinsholti eignuðust dreng 8. september 3755 gr. og 52 cm. Litli drengurinn á tvö systkini sammæðra þau Elísabetu Thorsteinson 18 ára og Jón Gunnar Thorsteinson 16 ára.
- Jóhanna Valgeirsdóttir og Ágúst Guðmundsson í Brautarholti eignuðust dreng 10. september 17 merkur og 52 cm. Systkini hans eru Guðmundur Heiðar 9 ára og Margrét Inga 5 ára.

Lumar einhver á myndum úr Reykjaréttum? Ef svo er, væri gaman að fá að birta þær í næsta fréttabréfi og á heimsíðu hreppsins. Vinsamlegast sendið í tölvupósti á helga@skeidgnup.is. Annað efni er líka vel þegið. :o)

Lúxus fyrir konur

Leikfimi fyrir konur á mánudögum og miðvikudögum
kl. 16:30 í Árnesi.

Kennari er Heiðrún frá Lifandi Húsi á Selfossi.

- Sérhannað fyrir konur sem vilja fá það besta.
- Fitubrennsla, kraftur, mýkt og uppbygging.
- Æfingar með líkamanum, engin tæki.

Konur þetta er lúxusinn. Ekki hika!

Fitu,- þyngdar-, ummáls-og þolmælingar- í upphafi
og lok hvers tímabils.


Ítarlegt matarþrógram sem hentar þínu markmiði.

Mjög gott aðhald.

Nánari upplýsingar og skráning hjá Sigrúnu Símonardóttir

Í síma: 893-6084 og 486-6001

Handavinnukvöld



Þá er komið að því að taka upp þráðinn að nýju og hittast á handavinnukvöldum í bókasafninu Brautarholti.

Fyrsta kvöldið verður 24. september næstkomandi klukkan 20:30

Allar konur eru hjartanlega velkomnar

Fyrir hönd Kvenfélags Skeiðahrepps
Helga Guðlaugs og Jóhanna Lilja

Heilsugæslan í Laugarási sími 480-5300
Neyðarsími 892-8804

Happadrætti S.Í.B.S.

Styrkið gott málefni og fáðið ykkur miða. Umboðsmaður Sigrún Fossnesi.
Sími 486-6079 og 895-8079 fossnes@uppsveitir.is



VÖNDULL ehf



FLUTNINGAÞJÓNUSTA Í ÁRNESSÝSLU.

Brottför frá Reykjavík, Héðinsgata 1-3 sími: 533 2211.

Mánudaga til föstudaga kl. 13:00,

Á Selfossi hjá Húsasmiðjunni og Byko kl. 14:00.

Einnig hjá öðrum fyrirtækjum eftir þörfum.

Upplýsingar í síma: 856 1580 Unnar

856 1581 Stefán

Á bak við eldavélina

Takk Meike fyrir að treysta mér í þetta verkefni. ☺


En þótt Meike hafi skorað á mig að koma með eitthvað norskt góðgæti þá held ég að það sé einum of langt

gengið að bjóða sveitungunum upp á „Lutefisk“! Meira

að segja þó svo að Daða finnst ég eigi að koma með uppskrift af einhverri fjallageit þá stend ég samt á mínu og ætla því að láta ykkur hafa einfalda og

fljótlega uppskrift af grilluðum tortillum (mexíkóskum hveitikökum) sem

falla vel í kramið hjá yngri kynslóðinni:



Kveikið á gasgrillinu. Smyrjið salsasósu á tortillakökurnar og leggið salatblað

á. Setjið svo smá slatta af sýrðum rjóma með. Næst kemur sneið af parma-

skinku (spægipylsa /pepperoni /skinka) og svo er stráð smá rifnum osti yfir.

Gætið þess að hafa ekki of mikla fyllingu en þetta þarf að lokast vel. Síðan

er tortilla kökunni lokað og penslað með olíu báðum megin. Því næst grilluð

þar til hún er orðin gulbrún á lit og osturinn bráðnaður.

Nauðsynlegt er að hafa eitthvað sætt í lokin. Þessi kaka er í miklu

uppáhaldi hér á heimilinu, hjá jafnt ungum sem öldnum. ☺

Brownies:

125 g suðusúkkulaði

150 g smjör

400 g sykur

3 egg

1 ts vanilludropar

150 g hveiti

1 bolli saxaðar hnetur



Hitið ofninn í 175°C. Smyrjið og stráðið í litla ofnskúffu eða lítið ferkantað mót, 24x24cm.

Bræðið saman smjör og súkkulaði. Hrærið sykrinum

vel saman við og síðan eggjum og vanilludropum.

Blandið næst hveitinu út í og að síðustu hnetunum.

Hellið deiginu í ofnskúffuna og bakið í 25-30 mín.

Kakan á að vera blaut í sér. Gætið þess að ofbaka

hana ekki. Kælið kökuna áður en þið skerið hana í

bita. Berið fram með þeyttum rjóma eða ís.

Að lokum langar mig að skora á svilkonu mína, Sigríði Björk Gylfadóttur í

Steinsholti að koma með eitthvað í næsta blaði, það verður örugglega

hvorki fjallageit né lutefisk.....

Kveðja Bente



Pakkir vegna dósasöfnunar.

Nú erum við tíundubekkingar komnir heim eftir velheppnaða ferð til Danmerkur. Til að komast þangað höfum við nemendur og foreldrar okkar safnað dósum og flöskum á bæjum í sveitinni. Við viljum þakka öllum þeim sem styrktu okkur við þessa söfnun.



Kveðja tíundubekkingar.

Atvinna

Zero þarf auka starfsmenn í sérstök verkefni 1-2 sinnum í mánuði
Hefurðu áhuga??

Nánari upplýsingar hjá Hjalta í síma 865-8151 eða jonhjalti@fludaskoli.is

Félagsmiðstöðin Zero

Opnun sundlauga í Skeiða- og Gnúpverjahreppi

Viðgerð á Neslaug er nú lokið og er vetaopnun lauganna sem hér segir:

	<u>Skeiðalaug</u>	<u>Neslaug</u>
Mánudaga:	lokað	17 – 21
Þriðjudaga:	17 – 21	lokað
Miðvikudaga:	lokað	17 – 21
Fimmtudaga:	17 – 21	lokað
Föstudaga:	lokað	lokað
Laugardaga:	13 – 17	13 – 17
Sunnudaga:	lokað	lokað

Opnunartími

Lestrarfélag Skeiða- og Gnúpverjahrepps Bókahúsínu Brautarholti

bokasafn@skeidgnup.is

S: 486-5505



Mánudagur kl. 16 -18
Miðvikudagur kl. 16 -18
Fimmtudagur kl. 20 -22

Viðskiptavinir eru minntir á að skila bókum sem fengnar hafa verið að láni.



Atvinnumál

Sveitarstjórn Skeiða og Gnúpverjahrepps er að hrinda af stað átaki í atvinnumálum. Í undirbúningi er stofnun sjóðs sem hefur það að markmiði að styrkja nýsköpun og fjölgun atvinnutækifæra í sveitarfélaginu.

Tilgangurinn er bæði að reyna að laða að ný atvinnufyrirtæki og ekki síður að efla þau sem fyrir eru. Til þess að átak sem þetta skili árangri verður að vera búið að vinna ákveðna forvinnu sem meðal annars felst í því að taka saman upplýsingar um alla þá þjónustu sem hægt er að fá í sveitarfélaginu og hvað hún kostar.

Miklu máli skiptir hvort hægt sé að fá leigt húsnæði á svæðinu, bæði íbúðar og ekki síður húsnæði undir atvinnustarfsemi. Slíkt húsnæði þarf ekki alltaf að vera stórt í sniðum til að geta nýst sem slíkt. Þess vegna langar okkur að vita hvort það eru ekki einhverjir sem hafa slíkt húsnæði á lausu og eru tilbúnir að leigja það ef það byðist, ef svo er, þá vinsamlegast hafið samband við hana Kristjönu á skrifstofunni, síminn þar er 486 6014.

Kær kveðja.

Oddviti

Viðbragðsáætlun vegna inflúensu

Viðbragðsáætlun Þjórsárskóla, grunnskóla og Leikholts, leikskóla, vegna innflúensufaraldurs hefur verið unnin að beiðni menntamálaráðuneytis í samræmi við viðbragðsáætlun almannavarna, og verður áætlunin uppfærð reglulega. Viðbragðsáætlun fyrir báða skóla var lögð fram á fundi skólanefndar þann 2. september s.l.



Mikil áhersla er lögð á fyrirbyggjandi aðgerðir vegna smithættu, sem m.a. felast í því að **þvo hendur oft yfir daginn og spritta þær með sóttþreinsandi vökva**. Fimm leiðir eru einnig settar þar fram til þess að hjálpa til við að minnka smit. Foreldrar barna snúi sér til skólastjórnenda ef spurningar vakna og ýmsar upplýsingar um inflúensuna er hægt að nálgast á <http://www.influenta.is/> einnig á vefsíðunni <http://www.almannavarnir.is/>

EIMSKIP

Flúðaleið ehf

Landflutningar
SAMSKIP

Brottför frá Flúðum alla virka daga: 7:00-9:00

Brottför frá Reykjavík alla virka daga:

12:00 frá Landflutningum og

13:00 frá Flytjanda

Brottför frá Selfossi alla virka daga: 14:00

Nánari upplýsingar eru hjá Pálmari í síma 892-2370.

Vöruafgreiðsla á Flúðum: 486-1070 fax 486-6693

netfang: fludaleid@simnet.is

Símar hjá bílstjórum:

892-2371- Skeiða- Gnúpverja- og Hrunamannahreppur.

892-2372- Grímsnes, Laugardalur og Biskupstungur.

892-2308- Trailer

892-2316- Trailer

Með von um gott samstarf
Starfsfólk Flúðaleiðar

Rafgirðingarefni

Höfum tekið að okkur einkaumboð á Íslandi fyrir
Rutland rafgirðingarefni sem er þrautreynt hér á landi

Kynningarafsláttur

RutlandTM
Electric Fencing



480 5600
landstolpi.is





Réttað var í Skaftholts-og Reykjaréttum 11. og 12. september s.l.

Á myndinni hér til hliðar má sjá að ungu mennirnir láta ekki rigninguna á sig fá í Skaftholtsréttum þegar þeir virða mannlífið fyrir sér af réttarveggnum.

Réttir 2009

Stund milli stríða í fjádrættinum. Bente og Nikulás í Birkikinn og Sigríður í Steinsholti.



Skeiðasafnið í Skaftholtréttum



Áð við Bringu.



Margt var um manninn á blautan réttardaginn í Skaftholtsréttum.



Lilja Loftsdóttir
ásamt
nemendum í
skýli sem þeir
bjuggu til í
skóginum í
Þjórsárdal
fyrstu
skólavíkuna
þegar
nemendur,
foreldrar og
starfsfólk fóru í
útilegu.